



12. august 2011

UKA2011/130

Inatsisartut Suleriaasianni § 36 naapertorlugu apeqquyteqaat aallaavigalugu oqallisissiaq imaattoq matumuuna saqqummiuppara:

Kalaallit Nunaanni inissiat tapiissutitalit, taarsigassarsiartallit, attartornermut akiliutitalit aamma ikorfartukkat pillugit apeqquyteqaat aallaavigalugu oqallinnissamik siunnersuut.
(Inatsisartunut ilaasorta q Justus Hansen, Demokraterne)

Tunngavilersuut

Kalaallit Nunaanni politikikkut oqallinnermi uteqqiattuatoq tassaavoq inissiat. Amerlasuutigut oqallisigineqartarpoq inissiat ajorpallaarnerat, ineqarnerup akisuallaarnera imaluunniit pisortat inissiaataannut utaqqisarnerup sivisuallaarnera.

Paasilluarsinnaavara oqallinnermi pineqartut qulequttat tikinneqakulammata, ajoraluartumilli oqallinneq akuttusuuginnarmik pissarsinartarpoq aaqqiissutissanillu tikkuussiffiusarluni. Taamaattumik neriuutigaa, manna apeqquyteqaat aallaavigalugu oqallinnissamik siunnersuut siumut isigaluni oqallinnissamut aallarniutaasinnaassasoq tikkuussilluni inissialiortarnerput sumut sammissanersoq qanorlu ingerlalluni.

Kalaallit Nunaanni inissiat pisortat tapiissutaannik annertuunik tunngavilipilussuupput aamma Kalaallit Nunaanni inissiarpassuit pisortat attartortittagaraat. Tamanna pissusissamisoorpa? Inissaaleqineq pisarnitsit aqqinniartuassavarput?

Uanga isumaqarpunga taamaassanngitsoq. Demokraatini isumaqarpugut taamaassanngitsoq. Akileraartarnermut Tunngavilermullu isumalioqatigiisitaq taamatut isumaqanngilaq.

Taavami ? Qanormi siunnessami sanaartussaagut aamma qanoq aningaasalersussavagut aamma suut tunngavilersuutugalugit inissialiortitsineq aqqiissuussiffigineqalersinnaava?
Piffissaq manna aningaasarsiornikkut ajornartorsiorfiusoq iluatsillugu pineqartoq ullumikkut akisuupilussuaq allanngortiteriffigisariaqarparput. Inissialioriaaserput pilersaarusiortariaqarparput ullumimut naleqqiullugu annerusumik inuinnaat aningaasaleeqataasussanngorlugit. Ikippallaat illussaminnut akiliisarput taamaattumik pisortat taakkuujuarput illuliortiternermut aningaasaliisartut.

Pisortat illuliortuutillugit nutaaginnaat pisortanit aningaasalersorneqarneq ajorput, aammali nutarterinerit piffissap ingerlanerani pinngitsoorneqarsinnaanngitsut.

Isumaqarpunga, illussat nammineq akilertaraanni, aamma taava paarilluarneqarnerussaaq. Pissuseq tamanna aallartinneqarsinnaavoq periuseq attartortumiik piginnittumut nutarterneqartuuppat, inuit init attartukkatik pisiarisinnaanngoqqissagaluarpaat. Taamaasiornikkut inigisanut pissusilersorneq isiginneriaaserlu allanngussagaluarpoq, qularnanngitsumillu inissiat ataavartumik aserfallattaalinerannut aningaasartuutit ikilisinnaassagaluarput. Aningaasat aserfallattaaliinernut ator-neqartartut allanut atorsinnaalissagaluarpagut.

Maannakkut ineqarnermut politikki ingerlaannassappat taava siunissami ukiorpassuarni nutarterinernut annertuunik aningaasartuuteqartuartaassaagut aamma aserfallattaaliinernut. Taamaaginassappat ineqarneq pillugu oqallittarnigut allanngunngisaannassapput.

Taamaattumik tusarusuppakka partiit isumaat siunissami aningaasaatitta killeqartut qanoq atortalernissaannut. Sanaartornermut suli amerlanernik tapiissuteqartassaagut? Illulianut aalajangersimasunut toqqaannartumik toqqaannangitsumillu tapiissuteqartuartaassaagut? Landskarsi taarsigassarsititsisartutut iluanaarniartittuassavarput? Ineqarfiit immikkoortortaanni ineqarnermut aki-liutit ingerlatsinerneq aningaasartuutitut naapertuunnerusariaqarpat?

Kalaallit Nunaanni inissialiortiternerup pilersaarusiordernerneq atattillugu nutaatut partiinut apeqqutigerusuppara sanaartornerneq inatseqalernissarput qanoq isumaqarfigineraat, taamaasiluni ullumikkumut naleqqiullugu aningaasanut inatsimmi siusinnerusumik sanaartugassanut aningaasaliisoqartalissagaluarpoq. Tamatuma nassataanik sanaartornerneq pilersaarusiorderfissaq piffissaq sivitsorneqassaaq, illuliortartut pilersaarusiordernerneq sivisunerulissaaq aamma sanaartor-neq ukiup ingerlanerani ataavannerusumik ingerlasinnaalissaaq kinguneranillu ukioq kaajallallu-gu suliffiit ataavartut attatiinnerneqartassapput ullumikkutut piffissap sanaartorfiup iluani avataa-nilu sulisut amerlassusaasa nikerartarnerujussuat qimallugu.

Nunani allani amerlanerpaatigut suliffiit namminersortut illunik attartortitsisarput. Kalaallit Nu-naanni inatsit allanngortissinnaavarput, ingerlatseqatigiiffinnik inissianik naliginnaasumik attart-ortitsisartutut pilersitsinissaaq ingerlatsinissarlu pilerinarnerulersillugu?

Pineqartumi oqalligissallugit pilerinartut amerlaqaat taamaattumik neriuppunga, oqallinneq in-gerlaqqikkumaartoq ingerlanneqarluni isumatuumik angusaqarusussuseqartumillu.

Taamatut oqaaseqarlunga Inatsisartut oqallilluarnissaannik kissaappakka.